

## **Fatmir Hajdarević, biografija**

Fatmir Hajdarević rođen je 1975. godine u Sarajevu. Završio je Fakultet nauka o bezbjednosti Policijske akademije u Ankari (Republika Turska). Rješenjem Fakulteta kriminalističkih nauka Univerziteta u Sarajevu, nakon nostrifikacije diplome, stekao je stručni naziv diplomirani kriminalist.

U organima unutrašnjih poslova bio je zaposlen od 1993. do 1997. godine, a Ministarstva unutrašnjih poslova Kantona Sarajevo od 1997. godine do 1998. godine, te od 2003. godine i dalje, u statusu policijskog službenika. Tokom 2005. godine, u sastavu bosanskohercegovačkog kontingenta civilne policije, boravio je u Mirovnoj misiji UN-a u Liberiji.

Rješenjem Vlade Kantona Sarajevo, 23.06.2023. godine imenovan je za Policijskog komesara u Ministarstvu unutrašnjih poslova Kantona Sarajevo i dodijeljen mu je čin Glavni generalni inspektor.

Do imenovanja na poziciju Policijskog komesara, od 09.03.2023. godine obnašao je funkciju Zamjenika policijskog komesara u Ministarstvu unutrašnjih poslova Kantona Sarajevo.

Hajdarević je 1993. godine zasnovao radni odnos u MUP-u Republike Bosne i Hercegovine kao policajac u SJB Stari Grad - CSB Sarajevo. Godine 1997. u sastavu MUP-a Kantona Sarajevo biva raspoređen na poslove i zadatke inspektora - referenta u Odjeljenju kriminalističke policije Stari Grad, a kasnije na mjesto policajca u Jedinici za podršku u Sektoru uniformisane policije.

Godine 1998. upućen je na petogodišnji visokoškolski studij, kao stipendista Vlade Republike Turske. Po završenom studiju i povratku u Sarajevo raspoređen je u PU Centar kao inspektor - stručni saradnik, a onda kao istražitelj u Odjeljenju kriminalističke policije Prve policijske uprave, do 2010. kada je raspoređen na poslove šefa Odsjeka kriminalističke policije Vogošća u Petoj policijskoj upravi. Od 2011. godine obavljao je poslove šefa Ureda policijskog komesara, a od 2014. godine komandira u Jedinici za specijalističku podršku.

Od 2017. do 2021. godine obavljao je poslove komandira policijske stanice u Policijskoj stanici Novi Grad - Četvrte PU, nakon čega je imenovan za načelnika Odjeljenja za razvoj načela, procedura i standarda i zaštitu tajnih podataka u Jedinici za profesionalne standarde, a kasnije za načelnika Odjeljenju kriminalističke policije u PU Novo Sarajevo. Sticanjem čina glavni inspektor biva raspoređen na poziciju načelnika Policijske uprave Ilidža.

Govori engleski i turski jezik.